

պի ձախ 22 վայրկեան քալելով՝ կը տեսնուի Քոչոնիկի, հին Քոչոնը, Ուատի Պէյթ Հանինայի խորը, Սորեկի հովիտը և լերան մը գագաթը՝ Քասթալը:

Ս. Յովհաննու Մկրտչի ժայռ. — Կէս ճանապարհին Այն Քեարիմի և Անապատին միջև, ձախին կը հանգիպինք ժայռի մը որ կը կոչուի Ս. Յովհաննու Մրկրտչի ժայռ: Ըստ աւանդութեան՝ կ'ըսուի թէ Չաքարիա այս ժայռին վրայ հանգչած է երբ ճանապարհէն կ'անցնէր: Ոմանք ալ կ'ըսեն թէ այս քարը Յովհաննու Մկրտչի աթոռն էր, և ուրիշներ՝ թէ այս ժայռին վրայէն ապաշխարութիւն կը քարոզէր ժողովուրդին:

Այս ժայռէն մինչեւ Ս. Կարապետի առաջին անապատը կէս ժամ կը տեւէ:

Ս. Կարապետի առաջին անապատ. — Ս. Ղուկաս միակ համարի մը մէջ կը համառօտէ Յովհաննէս Մըկրտչի առաջին երեսուն տարիները. «Եւ մանուկն աճէր և զօրանայր հոգևով, եւ էր յանապասս մինչեւ յօր երեւելոյ նորա՝ Իսրայէլի» (Ա. 80): Աւետարանը տարակոյս չի թողուր թէ Յովհաննէս իր տղայութեան իսկ անապատ քաշուեցաւ: Որոգինէսի և Յովհան Ոսկեբերանի կարծիքն այն է թէ Յովհաննէս իր առաջին տարիներուն թողուց հայրենի տունը: Եկեղեցին իր երգերովն ալ կը յիշէ թէ Յովհաննէս իր մատղաշ տարիքին մէջ անապատի մէկ այրին մէջ բնակեցաւ:

Յովհաննու տղայութեան անապատը ի հարկէ պէտք է փնտռել իր ծնողաց բնակարանին մօտ, միշտ պատրաստ՝ ի հարկին անոր օգնելու և պաշտպանելու զայն: ԺԲ. դարէն առաջ, ո՛ր և է հեղինակ չի յիշեր ա-